



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

Protestationes semper valituræ. Pro articulo mortis.

[urn:nbn:de:hbz:466:1-50916](https://nbn-resolving.org/urn:nbn:de:hbz:466:1-50916)

15 374 51
PROTESTATIONES

semper valiturae.

Pro articulo mortis.

EGO N. humi prostratus ante Crucifixi imaginem protestor & profiteor coram gloriosissima Virgine Maria totaque curia caelesti, velle me vivere & mori in ea fide, quam tenet sancta Romana Ecclesia, iisque omnibus, quae haec à Spiritu S. edocta unquam statuerit, & credenda proposuerit, tam firmiter adherere, ut si, quod Deus avertat, minimum huic fidei contrarium, suggerente diabolo facerem, id ipsum vi hujus revocem & annullem.

2. Hac ultimam meam voluntate declaro, quod ante mortem poenitentiae Sacramento muniri desiderem: quod si fieri id non posset, Confiteor nunc pro tunc in corde meo, veniam à Deo meo supplex peto cum summo dolore ob Deum offensum summum bonum meum, sancteque propono, mori me malle, & omnia tormenta subire, quam animo deliberato Deum posthac offendere & in priora peccata relabi.

3. In fine vitae ardentissime desidero in vaticum suscipere creatorem meum, illi perfectissime uniri, illi ex animo gratias agere, veniamque precari, pro toties iterata & in-

indigna ejus sumptione. Quòd si contingeret, hoc viatico me privari, modo illud spiritali tunc suscipiam, petòq; humillimè à benignissimo Servatore meo, ut ejus gratiâ & patrocinio adversus hostes defensus, supremam mortis luctam feliciter evadam.

4. Muniri etiam desidero Sacramento extremæ unctiois, à quo, si præter spem prohiberer, Redemptorem meum enixè rogo & obtestor, ut eo tempore animam meam, eâ, quâ opus est, gratiâ confirmet.

5. Protestor, quod nullâ Dæmonis tentatione desperare velim de Dei misericordia, non obstante scelerum meorum numero, pondere & mensurâ, sed confusus Christi meritis & plenissimus fiduciâ sperare infinitam Dei misericordiam & gratiam, quam in alios tot liberalissimè profudit.

6. Confiteor, quòd, si opus ullum æternæ vitæ meritorium feci, id absque speciali Dei gratia non potuerim, ac proinde non meis, sed dulcissimi Servatoris mei, meritis & sanguini confido, pro me misero in ligno crucis effuso.

7. Protestor, velle me omnes morbi dolores & angustias mortis, quas Deus immiserit, æquo & patienti animo ferre, forèque mihi impatientiam omnem, quæ forsitan se proder, involuntariam,

8. Condone libenter amore Jesu pro nunc & tunc omnibus & singulis omnes injurias & offensas mihi factas, sicuti meas ab aliis peto condonari.

9. Gratias ago immortales Bonitati divinæ pro omnibus in me totâ vitâ collatis beneficiis, præsertim creatione, redemptione, vocatione ad fidem &c. N. N. N.

10. Omnes indulgentias lucrari cupio, quas Pontifices pro isto articulo concesserunt. Mori etiam exopto in actuali exercitio Fidei, Spei, Charitatis & contritionis perfectæ cum invocatione SS. Nominis Jesu & Mariæ.

11. Gloriosissimam Virginem Mariam exultatricem volo & eligo hujus ultimæ voluntatis meæ! non negabit, spero, hanc gratiam illa à tot annis lectissima Mater ac Patrona mea. Petere non aûsim, ut dulci præsentia suâ in mortis lucta assistat indigno, opto tamen animitus, petoque, ut mei tunc memoratissimum filium suum pro me exoret, ut animam eò perducatur, ubi misericordias ejus æternùm decantet.

12. Eligo hodie in Patronos SS. N. N. N. ut in morte me defendant. Angelum meum Tutelarem ducem volo animæ meæ, Deo Judici sistendæ, eamque rogo, ut pro more suo & amore in Clientem suum beneficia ultima illi fideliter præstet, eamque demum ad

cælestem patriam perducatur, ubi me gratum exhibebo.

13. Per viscera misericordiae Dei ac Domini nostri Jesu Christi, & per pietissimam misericordiam ter benedictae Virginis Matris Mariae cognatos & notos omnes oro atque obtestor, ut à morte precibus & sacrificiis suis animae meae misericordiam exorent, ignorantes, quae fors mihi obtigerit in alio orbe. Pro quo charitatis obsequio, gratum me fore apud Deum, promitto.

Protestor, quod nunquam consentire velim Daemonis tentationibus & confirmo voluntatis divinae dispositionem tam circa animam quam circa corpus meum.

15. Lego & integrè trado animam meam Salvatori meo Jesu Christo, utpote ipsius sacratissimi sanguinis pretio redemptam.

16. Tandem ô beatissima Trinitas! coram Te & universa curia caelesti profiteor & protestor, omne, quod hic positum, esse ultimam sinceramque voluntatem meam, proinde supplex à Te Crucifixe JESU ardentissimè peto, ut hasce tabulas ultimae voluntatis meae, Sanctissimi nominis tui subscriptione confirmare, & impressione sigilli sacratissimorum quinque vulnerum tuorum obsignare digneris. Similiter obtestor Te ô Beatissima Virgo Maria, Domina ac Patrona mea, & Te mi Angele Custos, vosque ô Patro-

troni mei N.N.N. ut testes hujus voluntatis
meæ ultimæ esse velitis, cujus copiam proprii
nominis mei subscriptione consignatâ, in hoc
libello assertare volui, ut Deo & hominibus
notum sit; ad quem corpore & animâ per-
tineam, & quomodo vivere & mori percipi-
piam. N. N.

*Ad majorem DEI Gloriam, San-
ctissima Matris agonizantium ho-
norem, & sanctum agonis sola-
tium. Pro gratia finali.
Amen! Amen! Amen!*